

摘藻堂四庫全書薈要

子部

欽定四庫全書叢要

子部

淮南鴻烈解卷八

九



詳校官主事<sub>臣</sub>陳本

欽定四庫全書蒼要卷一萬一千一百二十三

子部

淮南鴻烈解卷八

漢高誘注

本經訓

本始也經常也本經造化出於道治亂之由得失有常故曰本經

太清之始也和順以寂寞

清靜也太清無為之始者謂三皇之時和順不逆天暴物

寂寞不擾民

質真而素樸閑靜而不躁推而無故

質性真不變也素樸

精不散也閑靜言無

欲也不躁擾故常也在內而合乎道出外而調于義

在內

者志在心平欲故能合於道出於外者身所

履行也行不越規矩故能調義義或作德發動而成

於文行快而便於物

發作動行文文章便利物事也

其言略而循理其

行伋脫而順情

略約要也  
伋簡易也

其心愉而不偽其事素而不

飾

愉和也偽虛詐也  
素樸也飾巧也

是以不擇時日不占卦兆

擇選卦  
八卦也

兆契龜之兆世所以占吉凶者也

不謀所始不議所終安則止激則行

通體于天地同精于陰陽一和于四時明照于日月與

造化者相雌雄

造化天地也雌雄猶和適也

是以天覆以德地載以

樂四時不失其序風雨不降其虐日月淑清而揚光

光明

也五星循軌而不失其行

軌道也  
循順也

當此之時玄元至瑒

蕩

而運照

玄天元氣也瑒大也言盛德之君恩仁廣大徧照四海也

鳳麟至著龜兆



鳳麟聖德之世至於門庭著四十九策兆信也善言否臧也

甘露下竹實滿流黃出

而朱草生

滿成也流黃玉也朱草生於庭皆瑞應也

機械詐偽莫藏於心

無莫

也

逮至衰世鑄山石

鑄猶鑿也求金玉也

鐔

結

金玉植蚌蜃

鐔刻金玉

以為器槌猶開也開以求珠也

消銅鐵而萬物不滋

不滋長也言盡物類也

剗胎

殺天麒麟不游

胎獸胎也為類見見害故不來游也

覆巢毀卵鳳凰不翔

鳥未穀

鑽燧取火構木為臺焚林而田竭澤而漁

田獵也竭

曰卵

澤漏池也

人械不足畜藏有餘

械器用也畜積藏餘府庫實也

而萬物不繁

兆萌于卵胎而不成者處之太半矣積壤而丘處糞田

而種穀掘地而井飲疏川而為利

疏通也

築城而為固拘

獸以為畜則陰陽繆戾四時失序雷霆毀折電霰降虐

氛霧雪霜不霽

霽止也

而萬物焦天

焦天不繁茂也

菑榛穢聚埒

畝

菑草曰茂木聚曰榛積之於壇畝

芟野芟

坦長苗秀

芟殺芟草苗稼也不榮而實曰

秀

草木之句萌銜華戴實而死者不可勝數乃至夏屋

宮駕縣聯房植

夏屋大屋也縣聯聯受雀頭箸桷者一曰辟帶也房室也植戶植也

檠老

檐

言榱

榱榱檐屋垂也榱榱題頭也

雕琢刻鏤喬枝菱阿芙蓉

芟荷

阿曲屋也芙蓉藕華也菱角交苗也荷芙渠也

五采爭勝流漫陸離

流漫采色

相參和也陸離美好貌

修揆

琰

曲校夭矯曾橈芒繁紛拏

皆屋飾也

以

相交持公輸王爾無所錯其剗剗剗鋸

公輸巧者一曰魯班之號王爾

古之巧匠剗巧刺畫盡頭黑邊箋也剗鋸尺削兩刃句刀也

然猶未能贍人主之欲

也是以松柏菌

綸

露夏槁

松柏根茂菌露竹筧皆冬生難殺之木當是時夏槁死也

刺君作事不時陰陽失序

江河三川絕而不流夷羊在牧

夷羊土神殷之將亡

見於商郊牧野之地

飛蛩滿野

蛩蟬蟻蠓之屬一曰蝗也

天旱地坼

坼燥裂也坼音冊

鳳凰不下句爪居牙戴角出距之獸於是驚矣

句爪鷹鷂之屬

居牙熊虎之屬

民之專室蓬廬無所歸宿

專持小室也蓬廬蓬蓀覆也宿庇宿也

凍餓饑寒死者相枕席也及至分山川谿谷使有壤界計人多少衆寡使有分數築城掘池設機械險阻以為

備飾職事制服等異貴賤差賢不肖經誹譽行賞罰

經書

也誹惡譽善賞可賞罰可罰也

則兵革興而分爭生民之滅抑天隱虐

殺不辜而刑誅無罪於是生矣

抑沒也言民有滅沒夭折之痛

天地之

合和陰陽之陶化萬物皆乘人氣者也是故上下離心

氣乃上蒸

離者不和也

君臣不和五穀不為

不為不成也

距日冬

至四十六日天含和而未降也懷氣而未揚

自立冬至到冬至皆未

動也陰陽儲與呼吸浸潭包裹風俗

儲與猶尚羊無所主之貌浸潭廣衍也故

曰包裹風俗

斟酌萬殊旁薄衆宜

旁並薄近也衆物宜適也

以相嘔咐

符

醞釀而成育羣生

醞釀猶和調也

是故春肅秋榮冬雷夏霜皆

賊氣之所生由此觀之天地宇宙一人之身也六合之

內一人之制也是故明於性者天地不能脅也審於符

者怪物不能惑也

脅恐審明符驗也怪物非常人所疑惑也

故聖人者由近

知遠而萬殊為一古之人同氣于天地與一世而優游

當此之時無慶賀之利刑罰之威禮義廉恥不設毀譽

仁鄙不立而萬民莫相侵欺暴虐猶在于混冥之中

混大

也大冥之中謂道也

逮至衰世人衆財寡事力勞而養不足於是

忿爭生是以貴仁仁鄙不齊比周朋黨設詐譖懷機械

巧故之心而性失矣

譖謀也性失失其純樸之性也

是以貴義陰陽之

情莫不有血氣之感男女羣居雜處而無別是以貴禮

性命之情淫而相脅

脅迫也

以不得已則不和是以貴樂

是故仁義禮樂者可以救敗而非通治之至也夫仁者

所以救爭也義者所以救失也禮者所以救淫也樂者

所以救憂也神明定於天下而心反其初心反其初而

民性善

初者始也有情也未  
有情欲故性善也

民性善而天地陰陽從而

包之則財足而人贍矣貪鄙忿爭不得生焉由此觀之

則仁義不用矣道德定於天下而民純樸則目不營於

色

營惑也

耳不淫於聲坐俳而歌謠被髮而浮游雖有毛

嬙西施之色不知悅也掉羽武象不知樂也

掉羽羽舞也武象周

武王樂

淫泆無別不得生焉由此觀之禮樂不用也是故

德衰然後仁生行沮然後義立

沮敗也

和失然後聲調禮

淫然後容飾是故知神明然後知道德之不足為也知

道德然後知仁義之不足行也知仁義然後知禮樂之

不足修也今背其本而求其末釋其要而索之于詳未

可與言至也

至至德之道也

天地之大可以矩表識也

矩度表影也識

也知星月之行可以厯推得也

厯術也推求也

雷霆之聲可以鼓

鐘寫也

寫猶放效也

風雨之變可以音律知也

律知陰陽

是故大

可觀者可得而量也明可見者可得而蔽也

蔽或作察聲可

聞者可得而調也色可察者可得而別也夫至大天地



弗能含也至微神明弗能領也

領理也

及至建律厯別五

色異清濁

清商濁宮

味甘苦則樸散而為器矣立仁義修禮

樂則德遷而為偽矣

修設也遷移也

及偽之生也飾智以驚愚

設詐以巧上

巧欺也

天下有能持之者有能治之者也

有能

持之者桀紂之民有能治之者湯武之君也

昔者蒼頡作書而天雨粟鬼夜

哭

蒼頡始視鳥迹之文造書契則詐偽萌生則去本趨末棄耕作之業而務錐刀之利天知其將

餓故為雨粟鬼恐為書文所效故夜哭也鬼或作兔兔恐見取毫作筆害及其軀故夜哭

伯益作井

而龍登玄雲神棲崑崙

伯益佐舜初作井鑿地而求水龍知將決川谷漉陂池恐見害

故登雲而去棲其神於崑崙之山

能愈多而德愈薄矣故周鼎著倭使

銜其指以明大巧之不可為也

倭堯之巧工及周鑄鼎著倭像於鼎使銜其指

假令倭在見之伎巧不能復踰但當銜齧其指故曰以明巧之不可為也一說周人鑄鼎畫像鏤倭身於鼎使自銜其指以戒後世故至人之治也心與神處形與性明不當大巧為也

調靜而體德動而理通隨自然之性而緣不得已之化

洞然無為而天下自和憺然無欲而民自樸無機祥而

民不夭不忿爭而養足兼包海內澤及後世不知為之

者誰何

道無姓名自當然也故曰不知誰何也

是故生無號死無謚實不

聚而名不立

實財也道不名故名不立

施者不德受者不讓

施者不以為恩

德振不足而已受者不讓之則受之不飾辭讓也

德交歸焉而莫之充忍也

忍

忍也故德之所總道弗能害也

總一也

智之所不知辯弗能

解也

有智謀者尚不能知但口辯者何能解也

不言之辯不道之道若或通

焉謂之天府

或有也有能通不言之辯不道之道者入天之府藏

取焉而不損

損

也酌焉而不竭

酌猶予竭盡也

莫知其所由出是謂瑤光瑤光

者資糧萬物者也

瑤光謂北斗杓第七星也居中而運歷指十二辰擿起陰陽以殺生萬物

也一說瑤光和气之見者也

振困窮補不足則名生

名仁名也

興利除害

伐亂禁暴則成功

功武功也

世無災害雖神無所施其德上

下和輯雖賢無所立其功昔容成氏之時道路鴈行列

處

容成黃帝時造歷術也鴈行長幼有差也

託嬰兒於巢上置餘糧於晦

母

首虎豹可尾虺蛇可蹊

蹊

而不知其所由然

虎豹擾人無害人之

心故可牽尾虺蛇不螫毒故可蹊履也時人謂自當然耳故曰不知其所由然

逮至堯之時十

日並出焦禾稼殺草木而民無所食

軌

獮

獮

鑿齒九

嬰大風封豨脩蛇皆為民害

猳獮獸名狀若龍首或曰似狸善走而食人鑿齒獸

名齒長三尺其狀如鑿下徹頷下而持戈盾九嬰水火之怪為人害大風風伯也能壞人屋舍封豬大豕也楚

人謂豕為豨脩蛇大蛇也  
吞象三年而出其骨之類

堯乃使羿誅鑿齒於疇華之

野

疇華南方澤名

殺九嬰於山水之上

北狄之地有凶水

繳大風於青

丘之澤

繳遮使不為害也一曰以繳繫矢射殺之青丘東方之澤名

上射十日而下

殺猼訑斷脩蛇於洞庭擒封豨於桑林

洞庭南方澤名桑林湯所禱旱

桑山

萬民皆喜置堯以為天子於是天下廣陝險易遠

近始有道里舜之時共工振滔洪水以薄空桑

共工水官名柏

有之後振動滔蕩也欲壅防百川滔高堙卑以害天下者薄迫也空桑魯地名

龍門未開呂梁

未發江淮通流四海溟滓民皆上丘陵赴樹木

龍門河之隘也

在左馮翊夏陽北禹所鑿也呂梁在彭城呂縣石生水  
中禹決而通之民所由得度也故曰呂梁未發之時水  
道不通江淮合流四  
海溟津無岸畔也舜乃使禹疏三江五湖闢伊闕導

廙澗

伊闕山名禹所開以通伊水故曰闕伊  
闕在雒陽西南九十里廙澗兩水名

平通溝陸

流注東海鴻水漏九州乾萬民皆寧其性是以稱堯舜

以為聖晚世之時帝有桀紂為琬室瑤臺象廊玉牀

琬瑤

石之似玉以飾室臺也用象牙飾廊殿以玉為牀言淫  
役也琬或作旋瑤或作瑤言室施機關可轉旋也臺可  
搖動極土  
木之巧也紂為肉圃酒池  
紂積肉以為園圃積酒以為  
淵池今河內朝歌紂所都也

城西有糟  
丘酒池處燎焚天下之財罷苦萬民之力剗諫者剔

惕

孕婦

王子比干紂之諸父也數諫紂之無道紂剖其心而觀之故曰剗諫者孕婦姓身將就草之婦也紂

解剔觀其胞

裏故曰剔

攘天下虐百姓於是湯乃以革車三百乘

伐桀于南巢放之夏臺

革車兵車也南巢今廬江巢縣夏臺大臺

武王甲卒

三千破紂牧野殺之于宣室

在車曰士步曰卒牧野南郊地名在朝歌城外宣室

殷宮名一曰宣室獄也

天下寧定百姓和集是以稱湯武之賢由

此觀之有賢聖之名者必遭亂世之患也今至人生亂

世之中含德懷道拘無窮之智鉗口寢說遂不言而死

者衆矣

至人至德之人也

然天下莫知貴其不言也

無有貴鉗口不言而

死故道可道非常道

至道無名不可道故曰可道者非常道也

名可名非常

名真人之名不可得名也

著於竹帛鏤於金石可傳於人者其粗

也五帝三王殊事而同指異路而同歸

五帝黃帝顓頊帝嚳帝堯帝舜

三王夏禹殷湯周文王同指同歸修仁義也

晚世學者不知道之所一體德

之所總要

總凡也

取以之迹相與危坐而說之鼓歌而

舞之故博學多聞而不免於惑詩云不敢暴虎不敢馮

河人知其一莫知其他此之謂也帝者體太一

體法也太一天

之刑神也

王者法陰陽霸者則四時君者用六律秉太一者



牢籠天地彈壓山川

彈山川令出雲雨復能壓止之

含吐陰陽伸曳四

時

伸曳猶押引和調之也

紀綱八極經緯六合覆露昭導普汜無

私

普大汜衆也無私愛憎言皆公也

蠓飛蠕動莫不仰德而生陰陽者

承天地之和形萬殊之體含氣化物以成埒類

埒形也羸

縮卷舒淪於不測

羸長縮短卷屈舒散淪入測深也入於不可測盡之深

終始虛

滿轉於無原

轉化歸於無窮之源本也

四時者春生夏長秋收冬藏

取予有節出入有時開闔張歛不失其序喜怒剛柔不

離其理

理道也

六律者生之與殺也賞之與罰也予之與

奪也

予布施也  
奪取收也

非此無道也故謹於權衡準繩審乎輕

重足以治其境内矣

權衡平也準  
法繩直也

是故體太一者明於

天地之情通於道德之倫聰明燿於日月精神通於萬

物動靜調于陰陽喜怒和于四時德澤施于方外名聲

傳于後世法陰陽者德與天地參明與日月並精與鬼

神總戴圓履方抱表懷繩

圓天也方地也  
表正也繩直也

內能治身外

能得人

能得人  
之歡心

發號施令天下莫不從風則四時者柔

而不脆剛而不韞

韞折

寬而不肆

肆緩

肅而不悖

肅急

優柔委從以養羣類

類物類也

其德含愚而容不肖無所私

愛

私邪也

用六律者伐亂禁暴進賢而廢不肖扶撥以為

正

撥任也扶治也

壞險以為平矯枉以為直

矯正枉曲也

明於禁舍

開閉之道乘時因勢以服役人心也

役使也

帝者體陰陽

則侵

侵為諸夏所侵凌也

王者法四時則削

削為諸夏所侵削也

霸者節六

律則辱

辱為鄰國所侮辱也

君者失準繩則廢

廢為臣所廢絀更立賢君

故小

而行大則滔窕而不親

滔窕不滿密也不親不為臣下所親附也

大而行小

則陘隘而不容

行小則政陘隘而不容包臣下

貴賤不失其體而天下

治矣

不失其體大行大小行小也

天愛其精地愛其平

精光明也

人

愛其情

情性也

天之精日月星辰雷電風雨也地之平水

火金木土也人之情思慮聰明喜怒也故閉四關止五

遁則與道淪

四關耳目心口遁逸也淪入也

是故神明藏於無形精神

反於至真

真身也

則目明而不以視耳聰而不以聽心條

達而不以思慮委而弗為和而弗矜真性命之情而智

故不得雜焉精泄於目則其視明

泄猶通也

在於耳則其聽

聰留於口則其言當集於心則其慮通故閉四關則身

無患百節莫苑

苑病也

莫死莫生莫虛莫盈是謂真人

言守

其凡亂之所由生者皆在流通流通之所生者五

流放也遁

逸大構駕興宮室

構連也駕材木相乘駕也

延樓棧

道雞棲井榦

延樓高樓也棧道飛閣復道相通雞棲井榦復屋焚井刻苑置其中也榦音貫

櫟栳櫳櫳

櫟栳櫳櫳柱類

榦榦也櫳柱上附即果上短柱也

以相支持木巧之飾盤紆刻儼

盤盤龍也

紆曲屈貌刻儼浮首虎頭之屬皆屋飾也

羸鏤雕琢詭文曰波

羸鏤文章鏤雕畫也玉曰

琢皆飾巧也詭文奇異之文曰波若水波也

淌

游

濕

減

菱杼

紆

淌游濕減皆文畫擬象水勢之貌菱杼亦象紆戾也抱轉也皆壯象相對持也抱音裁

芒繁亂

澤巧為紛拏

拏

以相摧錯此遁於木也

皆采色形貌

鑿汙

池之深肆眈崖之遠

肆極也  
崖根也

來谿谷之流飾曲岸之際

積牒琰石以純修矜

飾治也  
牒累連延

以玉石致之

修矜曲中水

抑減怒瀨以揚激波

抑止減怒水也  
瀨急流也抑止之故激揚

之波

起也曲拂還回以像渦

憑

浴拂戾也  
還迴轉流也  
渦番

湖環之故多象渠池以自

益樹蓮菱以食鱉魚

樹種也  
蓮藕實

也菱芰也皆

鴻鵠鵠

肅

鵠

稻梁饒餘

鵠鵠屬類一

龍

舟鷁首浮吹以娛此遁於水也

龍舟大舟也刻為龍文  
以為飾也鷁大鳥也畫

其象著船頭故曰鷁首舟中吹簫與竽以為樂故曰浮吹以娛高築城郭設樹險阻崇

臺榭之隆

設施也樹立也一說種樹木以為險阻令難攻易守也

侈苑囿之大以

窮要妙之望

侈廣也有牆曰苑無牆曰囿所以畜禽獸也盡極要之觀望也

魏闕之高

上際青雲大厦增加擬於崑崙

門闕高崇崑崙然故曰魏闕際接也上接青雲

周禮所謂象魏也大厦大屋也曾重架材木相乘架也其高與崑崙山相擬像

脩為墻垣角

勇

道相連

用道飛閣復道也

殘高增下積土為山

殘墮增益也

接徑歷

遠直道夷險

接疾徑行也道之阨者正直之夷平也

終日馳騖而無蹟

積

蹈之患此適於土也大鍾鼎美重器

鍾音之君也重器大器蓋鍾鼎也

錯眩照

糾曲成文章雕

雕畫也。鍛錯錫鏡文如脂膩，不可刷。如連珠不

言叙理之美  
沒減其

纏錦經冗似

此遁於金也煎熬

荆吳二國名善酸醢之和而寫



盡焚林而獵燒燎大木鼓橐吹埴鼓擊也橐治鑪以銷銅鐵

排橐也埴銅橐口鐵筩埴入火中吹火者故曰吹埴銷鑠

靡流堅鍛無厭足目山無

峻榦林無柘梓

峻榦長枝也柘桑梓滋生也

燎木以為炭燔草而為

灰野莽白素不得其時

莽草也白素也

上掩天光下殄

典

地財

此遁於火也

殄盡也

此五者一足以亡天下矣

一五者之一也

是

故古者明堂之制下之潤濕弗能及上之霧露弗能入

四方之風弗能襲

明堂王者布政之堂上圓下方堂四出各有左右房謂之介凡十二所王

者月居其房告朔朝歷頒宣其令謂之明堂其中可以序昭穆謂之太廟其上可以望氛祥書雲物謂之靈臺

其外圓似辟雍諸侯之制半天子謂之穎宮

土事不文

質也

木工不斷

樸也不斷或作琢不

雕畫

金器不鏤

不錯鏤設文飾也

衣無隅差之削

隅角也差邪也古者質皆

全幅為衣裳無有邪角邪角削殺也

冠無觚嬴之理

觚嬴之理謂若馬目籠相連干也言無者

冠文取平直而已也

堂大足以周旋理文

堂明堂所以升降揖讓修禮容故曰周旋理文

理政事文書也

靜潔足以享上帝禮鬼神以示民知儉節夫聲

色五味遠國珍怪瓌異奇物足以變心易志搖蕩精神

感動血氣者不可勝計也夫天地之生財也本不過五

不過五行之數

聖人節五行則治不荒

五行金木水火土也水屬雨行火為暘行木為

煥行金為寒行土為風  
行五氣常行故曰五行

凡人之性心和欲得則樂

心和

不怒欲得無違耳

樂斯動動斯蹈蹈斯蕩蕩斯歌歌斯舞舞

節則禽獸跳矣人之性心有憂喪則悲悲則哀

有憂艱難也喪

亡也亡失所離  
愛則悲悲則傷

哀斯憤憤斯怒怒斯動動則手足不靜

靜寧也擗踊哭  
泣哀以送之也

人之性有侵犯則怒怒則血充

人性有侵犯則

怒盛血氣充  
盈以成其勢

血充則氣激氣激則發怒發怒則有所釋

憾矣

釋解也憾恨也

故鐘鼓管簫干鉞

七

羽旄所以飾喜也衰

經苴杖

苴麻之有實者也

哭踊有節所以飾哀也兵革羽旄金

鼓斧鉞所以飾怒也必有其質乃為之文古者聖王在上政教平仁愛洽上下同心君臣輯睦衣食有餘家給人足父慈子孝兄良弟順生者不怨死者不恨天下和洽人得其願夫人相樂無所發貺故聖人為之作樂以和節之末世之政田漁重稅關市急征澤梁畢禁網罟無所布耒耜無所設民力竭於徭役財用殫於會賦會計人口數責其稅歛也居者無食行者無糧老者不養死者不葬贅妻鬻子以給上求猶弗能贍贅從嫁也或作賃妻愚夫蠢婦皆有

流連之心悽愴之志

流連猶瀾漫失其職業也悽愴傷悼之貌

乃使始為之

撞大鐘擊鳴鼓吹竽笙彈琴瑟失樂之本矣古者上求  
薄而民用給君施其德臣盡其忠父行其慈子竭其孝  
各致其愛而無憾恨其間夫三年之喪非強而致之聽  
樂不樂食旨不甘思慕之心未能絕也晚世風流俗敗  
嗜慾多禮義廢君臣相欺父子相疑怨尤充胷思心盡  
亡

盡喪其忠孝思慕之心也

被衰戴經戲笑其中雖致之三年失喪

之本也古者天子一畿諸侯一同

方千里為畿方百里為同

各守其

分不得相侵有不行王道者暴虐萬民爭地侵壤亂政

犯禁名之不至令之不行禁之不止誨之不變乃舉兵

而伐之戮其君易其黨封其墓類其社

祭社曰類以事類祭之也

卜

其子孫以代之

卜擇立其子孫之賢也天子不滅國諸侯不滅姓古之政也

晚世務

廣地侵壤并兼無已舉不義之兵伐無罪之國殺不辜

之民絕先聖之後

辜罪也民皆帝王之後故曰絕先聖之後

大國出攻小國

城守驅人之牛馬僇

鷄

人之子女

僇繫囚之繫也

毀人之宗廟

遷人之重寶血流千里暴骸滿野以贍貪主之欲非兵

之所為生也故兵者所以討暴非所以為暴也樂者所以致和非所以為淫也喪者所以盡哀非所以為偽也故事親有道矣而愛為務朝廷有容矣而敬為上處喪有禮矣而哀為主用兵有術矣而義為本本立而道行本傷而道廢

淮南鴻烈解卷八



欽定四庫全書養要卷一萬一千一百二十四

子部

淮南鴻烈解卷九

漢高誘注

主術訓

主君也術道也君之宰國統御臣下五帝三王以來無不用道而興故曰主術

人主之術處無為之事而行不言之教清靜而不動一

度而不搖因循而任下責成而不勞是故心知規而師

傳諭導

規謀也師者所從取法則者也傳相也諭導以正道也

口能言而行人稱

辭足能行而相者先導

相儀也

耳能聽而執正進諫

諫或作謀

其世子時也

是故慮無失策謀無過事

過猶誤也

言為文章行為

儀表於天下進退應時動靜循理不為醜美好憎不為

賞罰喜怒名各自名類各自類事猶自然莫出於已故

古之王者冕而前旒所以蔽明也

冕王者冠也前旒前後垂珠飾邃延也下

自目故曰蔽明也天子玉縣十二公侯挂珠九卿黻珠六伯子各應隨其命數也

黻續塞耳所

以掩聰也

不欲其妄聞也

天子外屏所以自障

屏樹垣也門內之垣謂之樹諸侯在

內天子在外故曰所以自障也

故所理者遠則所在者邇所治者大則

所守者少夫目妄視則淫耳妄聽則惑口妄言則亂夫三

關者不可不慎守也若欲規之乃是離之

言嗜欲有所規合乃是離

散也若欲飾之乃是賊之飾好也賊敗也天氣為魂地氣為魄反

之玄房各處其宅守而勿失上通太一太一之精通於

天道天道玄默無容無則大不可極深不可測尚與人

化知不可得天道至大非人智慮所能得也昔者神農之治天下也神

不馳於胸中言釋神安靜不躁動也智不出於四域懷其仁成之

心甘雨時降五穀蕃植春生夏長秋收冬藏月省時考

歲終獻功以時嘗穀穀新穀也薦之明堂嘗之也祀于明堂明堂之

制有益而無四方風雨不能襲寒暑不能傷遷延而入

之養民以公

遷延猶  
倘佯也

其民樸重端慤不忿爭而財足不

勞形而功成因天地之資而與之和同是故威厲而不

殺刑錯而不用法省而不煩故其化如神其地南至交

趾北至幽都

幽冥  
之都

東至暘谷

暘谷日  
所出也

西至三危

三危西  
極之山

莫不聽從當此之時法寬刑緩囹圄空虛而天下一俗

莫懷姦心末世之政則不然上好取而無量下貪狼而

無讓民貧苦而忿爭事力勞而無功智詐萌興盜賊滋

彰上下相怨號令不行執政有司不務反道矯拂其本

而事修其末削薄其德曾累其刑而欲以為治無以異

於執彈而來鳥捩

篋

稅而狎犬也亂乃逾甚夫水濁則

魚噉

魚短氣出口於水喘  
息之諭也噉音奄

政苛則民亂故夫養虎豹犀

象者為之圈檻供其嗜欲適其飢飽違其怒恚然而不

能終其天年者形有所劫也是以上多故則下多詐上

多事則下多態上煩擾則下不定

不定不知  
所從也

上多求則

下交爭不直之於本而事之於末譬猶揚堞

課

而弭塵

抱薪以救火也

堞塵也堞動  
塵之貌弭止也

故聖人事省而易治求

寡而易贍不施而仁不言而信不求而得不為而成塊

然保真抱德推誠天下從之如響之應聲景之像形其

所修者本也

唐何曰未聞身治而國亂故曰其所修者本也

刑罰不足以移風

殺戮不足以禁姦唯神化為貴至精為神夫疾呼不過

聞百步志之所在逾于千里冬日之陽夏日之陰萬物

歸之而莫使之然

冬日仁物歸陽夏日猛物歸陰

故至精之像弗招而

自來不麾而自往窈窈冥冥不知為之者誰而功自成

智者弗能誦辯者弗能形昔孫叔敖恬卧而郢人無所

害其鋒

郢楚國都也孫叔敖楚大夫蓋乘馬三年不知其牝牡言其賢也但恬卧養德折衝千里之外

敵國不敢犯害故郢人不舉兵出伐無所害其鋒於四方也

市南宜遼弄丸而兩家

之難無所關其辭

宜遼名姓熊勇士居楚市南楚平王太子建為費無極所逐奔鄭鄭人殺

之其子勝在吳令尹子西召之以為白公請伐鄭以報讐子西許之而未出師晉人伐鄭以報讐子西救之勝

怒曰鄭人在此讐不遠矣欲殺子西其臣石乞曰市南熊宜遼得之可以當五百人乃往視之告其故不從舉

之以劍不動而弄丸不輟心志不懼曰不能從子為亂亦不泄子之事白公遂殺子西故兩家雖有難不怨宜

遼故曰無所

鞅鞅

合

鐵鎧

慨

瞋目扼擊

捧

其於以御兵

刃縣矣

縣遠也比於德不及之遠

券契束帛刑罰斧鉞其於以解難

薄矣

薄於德也

待目而照見待言而使令其於為治難矣遽

伯玉為相子貢往觀之曰何以治國曰以弗治治之簡

子欲伐衛使史黯往覲焉

簡子晉卿趙鞅也史黯史墨也覲觀之也

還報曰

遽伯玉為相未可以加兵固塞險阻何足以致之

致猶勝也

故臯陶瘖

因

而為大理天下無虐刑有貴于言者也

瘖雖

平獄理訟能得人之情故貴於多言者也

師曠瞽而為太宰晉無亂政有貴

于見者也

雖盲而治晉國無有亂政故貴於有所見

故不言之令不視之見

不言之令臯陶瘖也不視之見師曠瞽也

此伏羲神農之所以為師也故民



之化也不從其所言而從所行故齊莊公好勇不使鬪

爭而國家多難其漸至于崔杼之亂

莊公齊靈公之子光崔杼齊大夫也

亂殺莊公也

傾襄好色不使風議而民多昏亂其積至昭奇

之難

楚傾襄王昭奇楚大夫也

故至精之所動若春氣之生秋氣之

殺也雖馳傳驚置不若此其亟故君人者其猶射者乎

於此毫末於彼尋常矣故慎所以感之也夫榮啓期一

彈而孔子三日樂感于和

孔子遊于太山見榮啓期行乎郕之野鹿裘帶索鼓琴而

歌孔子問曰先生所以樂何也對曰吾樂甚多天生萬物惟人為貴而吾得為人是一樂也男女之別男尊女

卑故以男為貴吾既得為男矣是二樂也人生有不見日月不免襁褓者吾既已行年九十矣是三樂也貧者士之常也死者人之終也處常得終鄒忌一微而威尚何憂哉孔子曰善乎能自寬者也

王終夕悲感于憂

微驚彈也威王齊宣王之父也在春秋後

動諸琴瑟形諸

音聲而能使人為之哀樂縣法設賞而不能移風易俗

者其誠心弗施也甯戚商歌車下桓公喟然而寤矣

甯戚

飯牛車下叩角商歌齊桓公悟之用以為相

至精入人深矣故曰樂聽其音

則知其俗見其俗則知其化孔子學鼓琴於師襄而諭

文王之志見微以知明矣

孔子學琴于師襄有問曰丘得其為人黯然而黑幾然而

長眼如望羊如王四國非文王其誰能  
為此曲也師襄曰師蓋云文王操也

延陵季子聽魯

樂而知殷夏之風論近以識遠也作之上古施及千歲  
而文不滅況於並世化民乎湯之時七年旱以身禱於  
桑林之際而四海之雲湊千里之雨至

湊會也或作  
蒸蒸升也

抱

質效誠感動天地神諭方外令行禁止豈足為哉古聖  
王至精形於內而好憎忘於外出言以嗣情發號以明  
旨陳之以禮樂風之以歌謠業貫萬世而不壅

貫通壅  
塞也

橫局四方而不窮禽獸昆蟲與之陶化

化從昆蟲  
或作鬼神

又況

於執法施令乎故太上神化其次使不得為非其次賞

賢而罰暴

暴虐亂也

衡之於左右無私輕重故可以為平

衡銓

也繩之於內外無私曲直故可以為正人主之於用法

無私好憎故可以為命夫權輕重不差蠡首

蠡首猶微細也

扶

撥枉橈不失鍼鋒直施矯邪不私辟險姦不能枉讒不

能亂德無所立怨無所藏是任術而釋人心者也故為

治者不與焉

治在道不在智故曰不與

夫舟浮於水車轉於陸此勢

之自然也木擊折轆

遂

水戾破舟不怨木石而罪巧拙

者

罪御者刺舟者之巧拙也

知故不載焉

言木石無巧詐故不怨也

是故道有智

則惑德有心則險心有目則眩

眩於物也

兵莫惜於志而莫

邪為下寇莫大於陰陽而枹鼓為小

小細惜猶利也以志意精誠伐人為

利老子曰重積德則無不克故以莫邪為下寇亦兵也推陰陽虛實之道為大故以枹鼓為小今夫權

衡規矩一定而不易不為秦楚變節不為胡越改容常

一而不邪方行而不流一日刑之萬世傳之而以無為

為之故國有亡主而世無廢道人有困窮而理無不通

由此觀之無為者道之宗故得道之宗應物無窮任人

之才難以至治

才智也

湯武聖主也而不能與越人乘幹

楫

舟而浮於江湖

幹舟小船也危險越人習水自能乘之故湯武不能也

伊尹賢

相也而不能與胡人騎驢

元

馬而服駒

陶

駘

黃馬白腹曰駘駒駘

野馬也胡人所習駘音余

孔墨博通而不能與山居者入榛薄險阻

也

聚木為榛深草為薄山居者所習故孔墨不能也阻或作塗

由此觀之則人知之

於物也淺矣而欲以徧照海内存萬方不因道之數而

專己之能則其窮不達矣故智不足以治天下也桀之

力別貉

格

伸鉤索鐵歛金椎移大犧水殺黿鼉陸捕熊

罷

解角索絞也

然湯革車三百乘困之鳴條擒之焦門

焦或作巢

由此觀之勇力不足以持天下矣智不足以為治勇不

足以為強則人材不足任明也而君人者不下廟堂之上而知四海之外者因物以識物因人以知人也故積力之所舉則無不勝也衆智之所為則無不成也埴

坎

井之無黿鼉臨也園中之無修木小也夫舉重鼎者力少而不能勝也及至其移徙之不待其多力者故千人之羣無絕梁萬人之聚無廢功夫革騶綠耳一日而至

千里然其使之搏兔不如豺狼伎能殊也鵠夜撮蚤蚊

察分秋毫晝日顛越不能見丘山形性詭也

鵠鵠鵠也謂之老鵠

夜鳴人屋上也夜則目明合聚人爪以著其巢中晝則無所見

夫騰蛇游霧而動應龍

乘雲而舉援得木而捷魚得水而驚

驚疾也

故古之為車

也漆者不畫鑿者不斷工無二伎士不兼官各守其職

不得相姦

姦亂也

人得其宜物得其安是以器械不苦而

職事不嫚

慢也

夫責少者易償職寡者易守

寡少也

任輕者

易權

權謀也

上操約省之分下效易為之功是以君臣彌



久而不相厭

厭欺也

君人之道其猶靈星之尸也

尸祭主也尸食

飽以知神之食亦飽詩

曰公尸宴飲在宗載考

儼然玄默而吉祥受福

尸不言語故曰

玄是故得道者不為醜飾不為偽善

不飾為美亦不極為善也

一人

被之而不褻

褻大也

萬人蒙之而不褊

蒙冒褊小也

是故重為

惠若重為暴則治道通矣

通猶順也

為惠者尚布施也無功

而厚賞無勞而高爵則守職者懈於官而游居者亟於

進矣為暴者妄誅也無罪者而死亡行直而被刑則修

身者不勸善而為邪者輕犯上矣

言不可不慎也

故為惠者生

姦而為暴者生亂姦亂之俗亡國之風是故明主之治

國有誅者而主無怒焉

因法而行故不怒也

朝有賞者而君無與

焉

因功而行故不與也

誅者不怨君罪之所當也賞者不德上功

之所致也民知誅賞之來皆在於身也故務功修業不

受贛

貢

於君

贛物也

是故朝廷蕪而無迹田野辟而無草

故太上下知有之

言太上之世下知之人皆能有此制

今夫橋直植立而

不動俛仰取制焉

橋桔臯上衡也植柱權衡者行之俛仰取制於柱也以諭君也

人主

靜漠而不躁

躁動也

百官得修焉譬如軍之持麾者妄指

則亂矣。慧不足以大寧，智不足以安危，與其譽堯而毀

桀，也不如掩聰明而反修其道也。

不足以大寧者，小惠也。不足以安危者，小

智也。清靜無為，則天與之時，廉儉守節，則地生之財。處愚

稱德，則聖人為之謀。是故下者萬物歸之，虛者天下遺

之。

遺與也。

夫人主之聽治也，清明而不闇，虛心而弱志，是

故羣臣輻湊並進，無愚智賢不肖莫不盡其能。於是乃

始陳其禮建以為基。

建立也。基業也。

是乘眾勢以為車，御眾智

以為馬。雖幽野險塗，則無由惑矣。

幽深險猶遠也。

人主深居隱處

以避燥濕閨門重襲以避姦賊內不知閭里之情外不

知山澤之形帷幕之外目不能見十里之前耳不能聞

百步之外天下之物無不通者其灌輸之者大而斟酌

之者衆也是故不出戶而知天下不窺牖而知天道乘

衆人之智則天下之不足有也專用其心則獨身不能

保也

保猶守也

是故人主覆之以德不行其智而因萬人之

所利夫舉踵天下而得所利故百姓之上弗重也錯之

前而弗害也舉之而弗高也推之而弗厭

尊重舉之不自覺高

也推求  
也奉也

主道員者運轉而無端

端涯也

化育如神虛無因

循常後而不先也臣道員者運轉而無方論是而處當

為事先倡守職分明以立成功也是故君臣異道則治

同道則亂

君曰可臣曰不可君曰不可臣曰可是則異也君曰可臣亦曰可君曰不可臣亦曰不可

是則同也

各得其宜處其當則上下有以相使也

君得君道臣得臣道

故曰得其宜也

夫人主之聽治也虛心而弱意清明而不闇是

故羣臣輻湊並進無愚智賢不肖莫不盡其能者則君

得所以制臣臣得所以事君治國之道明矣文王智而

好問故聖武王勇而好問故勝

勝殷也

夫乘衆人之智則

無不任也用衆人之力則無不勝也千鈞之重烏獲不

能舉也

千鈞三萬斤也烏獲秦武王之力士武王試其力使舉大鼎服脫而不任

衆人相一

則百人有餘力矣是故任一人之力者則烏獲不足恃

乘衆人之制者則天下不足有也禹決江疏河以為天

下興利而不能使水西流稷辟土墾草以為百姓力農

然不能使禾冬生豈其人事不至哉其勢不可也夫推

不可為之勢而不修道理之數雖神聖人不能以成

其功而況當世之主乎夫載重而馬羸雖造父不能以  
致遠車輕馬良雖中工可使追速是故聖人舉事也豈  
能拂道理之數詭自然之性

拂戾詭達也

以曲為直以屈為

伸哉未嘗不因其資而用之也是以積力之所舉無不  
勝也而衆智之所為無不成也聳者可令摧筋斤而

不可使有聞也瘠者可使守圉而不可使言也形有所  
不周而能有所不容也是故有一形者處一位有一能  
者服一事力勝其任則舉之者不重也能稱其事則為

之者不難也母小大脩短各得其宜則天下一齊無以  
相過也聖人兼而用之故無棄才人主貴正而尚忠忠  
正在上位執正營事則讒佞姦邪無由進矣譬猶方員  
之不相蓋而曲直之不相入夫鳥獸之不可同羣者其  
類異也虎鹿之不同遊者力不敵也是故聖人得志而  
在上位讒佞姦邪而欲犯主者譬猶雀之見鷁而鼠之  
遇狸也亦必無餘命矣是故人主之一舉也不可不慎  
也所任者得其人則國家治上下和羣臣親百姓附所



任非其人則國家危上下乖羣臣怨百姓亂故一舉而

不當終身傷

傷病敗也

得失之道權要在主是故繩正於上

木直於下非有事焉所緣以修者然也故人主誠正則

直士任事而姦人伏匿矣人主不正則邪人得志忠者

隱蔽矣夫人之所以莫抓

嘲

玉石而抓瓜瓠者何也

玉石

堅抓不能入故不抓

無得於玉石弗犯也使人主執正持平如從

繩準高下則羣臣以邪來者猶以卵投石以火投水故

靈王好細腰而民有殺食自飢也

靈王楚靈王殺食省食也

越王好

勇而民皆處危爭死

越王勾踐

由此觀之權勢之柄其以移

風易俗矣堯為匹夫不能仁化一里桀在上位令行禁

止由此觀之賢不足以為治而世可以易俗明矣書曰

一人有慶萬民賴之此之謂也天下多眩於名聲而寡

察其實

寡少察明也實真偽之實

是故處人以譽尊

處人隱居也以名譽見尊也

而游者以辯顯

游行之人以辯辭自顯達

察其所尊顯無他故焉人

主不明分數利害之地而賢衆口之辯也治國則不然

言事者必究於法而為行者必治於官上操其名以責

其實臣守其業以效其功言不得過其實行不得踰其  
法羣臣輻湊莫敢專君事不在法律中而可以便國佐  
治必參五行之陰考以觀其歸並用周聽以察其化不  
偏一曲不黨一事是以中立而徧運照海內羣臣公正  
莫敢為邪百官述職務致其公迹也主精明於上官勸  
力於下姦邪滅迹庶功日進是以勇者盡於軍亂國則  
不然有衆咸譽者無功而賞守職者無罪而誅主上闇  
而不明羣臣黨而不忠說談者游於辯修行者競於往

往自益也主上出令則非之以與法令所禁則犯之以邪與

與也以黨與非為智者務為巧詐為勇者務於鬪爭大黨

臣專權下吏持勢朋黨周比以弄其上國雖若存古之

人曰亡矣且夫不治官職而被甲兵不隨南畝而有賢

聖之聲者非所以都於國也騏驥馭天下之疾馬也

驅之不前引之不止雖愚者不加體焉今治亂之機輒

迹可見也而世主莫之能察此治道之所以塞塞猶權

勢者人主之車輿爵祿者人臣之轡銜也是故人主處

權勢之要而持爵祿之柄審緩急之度而適取予之節

是以天下盡力而不倦夫臣主之相與也非有父子之

厚骨肉之親也而竭力殊死不辭其軀者何也勢有使

之然也昔者豫讓中行文子之臣

文子晉大夫中行穆子之子荀寅也

智

伯伐中行氏并吞其地豫讓背其主而臣智伯智伯與

趙襄子戰於晉陽之下身死為戮國分為三

韓魏趙三分而有之

豫讓欲報趙襄子漆身為厲吞炭變音適齒易貌夫以

一人之心而事兩主或背而去或欲身徇之豈其趨捨

厚薄之勢異哉人之恩澤使之然也紂兼天下朝諸侯人迹所及舟楫所通莫不賓服然而武王甲卒三千人擒之於牧野豈周民死節而殷民背叛哉其主之德義厚而號令行也夫疾風而波興木茂而鳥集相生之氣也是故臣不得其所欲於君者君亦不能得其所求於臣也君臣之施者相報之勢也是故臣盡力死節以與君君計功垂爵以與臣是故君不能賞無功之臣臣亦不能死無德之君君德不下流於民而欲用之如鞭撻

馬矣是猶不待雨而求熟稼必不可之數也

數術也

君人

之道處靜以修身儉約以率下靜則下不擾矣儉則民不怨矣下擾則政亂民怨則德薄政亂則賢者不為謀

德薄則勇者不為死是故人主好鷙鳥猛獸珍怪奇物

金玉為珍詭異

狡躁康荒

康安荒亂也

不愛民力馳騁田獵

為怪非常為奇

出入不時如此則百官務亂事勤財匱

勤勞匱乏也

萬民愁

苦生業不修矣人主好高臺深池雕琢刻鏤黼黻文章

絺綌綺繡寶玩珠玉

白與黑為黼黑與青為黻絺綌葛也精曰絺麤曰絺五采具曰繡也

則賦歛無度而萬民力竭矣堯之有天下也非貪萬民之富而安人主之位也以為百姓力征強凌弱衆暴寡於是堯乃身服節儉之行而明相愛之仁以和輯之是故茅茨不剪采椽不斲大路不畫

大路上路四馬車也天子駕六馬不畫不

文飾也

越席不緣

越結蒲為席也

大羹不和

不致五味

棗食不穀

穀細也穀

音毀巡狩行教勤勞天下周流五嶽宣其奉養不足樂哉

舉天下而以為社稷非有利焉年衰志憊

衰老也憊憂也

舉天

下而傳之舜猶却行而脫跼也

言甚易也

衰世則不然一日



而有天下之富處人主之勢則竭百姓之力以奉耳目  
之欲志專在于宮室臺榭陂池苑囿猛獸熊羆玩好珍  
怪是故貧民糟糠不接於口而虎狼熊羆厭芻豢百姓

短褐不完而宮室衣繡人主急茲無用之功百姓黎民

顛顛於天下是故使天下不安其性

不得安其正性偽詐生也

人主

之居也如日月之明也天下之所同側目而視側耳而  
聽延頸舉踵而望也是故非澹漠無以明德非寧靜無  
以致遠非寬大無以兼覆非慈厚無以懷衆非平正無

以制斷是故賢主之用人也猶巧工之制木也

制裁也

大

者以為舟航柱櫟

舟船也方兩小船並與共濟為航

小者以為楫楔

歇

修者以為櫨

閭

榱

櫨屋垂榱榱也

短者以為朱儒杅櫨

朱儒櫨上戴蹲

跪人也

無大小修短各得其所宜規矩方員各有所施天

下之物莫凶於雞毒

雞毒鳥頭也

然而良醫橐而藏之有所

用也是故林莽之材猶無可棄者而況人乎今夫朝廷之所不舉鄉曲之所不譽非其人不肖也其所以官之者非其職也鹿之上山獐不能跂也及其下牧豎能追

之才有修短也是故有大畧者不可責以捷巧

略行道也

有小智者不可任以大功人有其才物有其形有任一而太重或任百而尚輕是故審毫釐之計者必遺天下之大數不失小物之選者惑於大事之舉譬猶狸之不可使搏牛虎之不可使搏鼠也今人之才或欲平九州并方外存危國繼絕世志在直道正邪決煩理擘而乃責之以閨閣之禮要陳寔之間或佞巧小具諂進愉說隨鄉曲之俗卑下衆人之耳目而乃任之以天下之權

治亂之機是猶以斧斲

攢

毛以刀抵木也

斲剪也

皆失其

宜矣人主者以天下之目視以天下之耳聽以天下之

智慮以天下之力爭是故號令能下究而臣情得上聞

百官修通羣臣輻輳

羣臣歸君若輻之  
奏轂故曰輻輳

喜不以賞賜怒

不以罪誅

懼失  
當也

是故威厲立而不廢聰明先而不弊

弊  
闇

也法令察而不苛耳目達而不闇善否之情日陳於前

而無所逆是故賢者盡其智而不肖者竭其力德澤兼

覆而不偏羣臣勸務而不怠

怠懈  
也

近者安其性遠者懷

其德

性生也  
懷歸也

所以然者何也得用人之道而不任已之

才者也故假輿馬者足不勞而致千里

假或作駕

乘舟楫者

不能游而絕江海

絕猶過也

夫人主之情莫不欲總海內之

智盡衆人之力然而羣臣志達效忠者希不困其身

困猶

危也使言之而是雖在褐夫芻蕘猶不可棄也使言之而

非也雖在卿相人君掄

兇

策于廟堂之上未必可用

出掄

策謀也

是非之所在不可以貴賤尊卑論也是明主之聽

於羣臣其計乃可用不羞其位

不羞其位  
卑而不用

其言可行而

不責其辯

不責其辯  
口美辭也

闇主則不然所愛習親近者雖邪

枉不正不能見也疏遠卑賤者竭力盡忠不能知也有

言者窮之以辭有諫者誅之以罪如此而欲照海内存

萬方是猶塞耳而聽清濁掩目而視青黃也其離聰明

則亦遠矣法者天下之度量而人主之準繩也縣法者

法不法也設賞者賞當賞也法定之後中程者賞缺繩

者誅尊貴者不輕其罰而卑賤者不重其刑

言平也

犯法

者雖賢必誅中度者雖不肖必無罪是故公道通而私

道塞矣

公正私邪塞閉也

古之置有司也所以禁民使不得自

恣也

恣放恣也

其立君也所以制

端

有司使無專行也法籍

禮義者所以禁君使無擅斷也人莫得自恣則道勝道勝而理達矣故反於無為無為者非謂其凝滯而不動

也以其言莫從已出也夫寸生於稌

粟

稌生於日日生

於形形生於景此度之本也

稌禾穗稌字榆頭芒也十稌為一分十分為一寸十

寸為一尺十尺為一丈故謂之本也

樂生於音音生於律律生於風此聲

之宗也法生於義義生於衆適衆適合於人心此治之

要也故通於本者不亂於末覩於要者不惑於詳法者

非天墮非地生發於人間而反以自正是故有諸已不

非諸人

有諸己已有聰明也不非諸人恕人行也

無諸已不求諸人

言己雖無獨見

之明不求加罪於人也

所立於下者不廢於上

人主所立法禁於民亦自修之不廢

於上言所禁於民者不行於身

不正之事不獨行之於身言其正己以正人也

所謂亡國非無君也無法也變法者非無法也有法者

而不用與無法等是故人主之立法先自為檢式儀表

故令行於天下孔子曰其身正不令而行其身不正雖



令不從故禁勝於身則令行於民矣

禁勝於身不敢自犯禁也

聖主

之治也其猶造父之御齊輯之于轡銜之際而急緩之

于脣吻之和正度于胷臆之中而執節于掌握之間

策節

也

內得於心中外合於馬志是故能進退履繩

繩直正也

而

旋曲中規

曲屈規員

取道致遠而氣力有餘誠得其術也是

故權勢者人主之車輿也大臣者人主之駟馬也體離

車輿之安而手失駟馬之心而能不危者古今未有也

是故輿馬不調王良不足以取道君臣不和唐虞不能

以為治也執術而御之則管晏之智盡矣明分以示之

則蹠蹻之姦止矣

盜蹠孔子時人蹻莊蹻楚威王之將軍能大為盜也

夫據除而

窺井底雖達視猶不能見其睛

睛目童子

借明於鑑以照之

則寸分可得而察也

鑑鏡也

是故明主而耳目不勞精神

不竭物至而觀其象事來而應其化近者不亂遠者治

也是故不用適然之數而行必然之道故萬舉之無遺

策矣今夫御者馬體調于車御心和于馬則歷險致遠

進退周游莫不如志雖有騏驥駉駉之良臧獲御之則

馬反自恣而人弗能制矣

臧獲古之不能御者魯人也

故治者不貴

其自是而貴其不得為非也故曰勿使可欲毋曰弗求

勿使可奪毋曰不爭如此則人材釋而公道行矣美者

正於度而不足者建於用故海內可一也夫釋職事而

聽非譽棄公勞而用朋黨則奇材佻長而干次

奇材非常之材

佻長卒非純賢也故曰干次

守官者雍遏而不進如此則民俗亂於

國而功臣爭於朝

奇材佻長之人干超其次功勞之臣反不顯烈故爭於朝

故法律

度量者人主之所以執下釋之而不用是猶無轡銜而

馳也羣臣百姓反弄其上是故有術則制人無術則制

於人吞舟之魚蕩而失水則制於螻蟻離其居也援猓

失木而擒於狐狸非其處也君人者釋所守而與臣下

爭則有司以無為持位

無所為以持其位也

守職者以從君取容

隨君之欲以取容媚

是以人臣藏智而弗用

不用智謀贊佐其上也

反以事

轉任其上矣

賢臣見其不肯為謀故轉任其上令自制之也

夫貴富者之於勞

也達事者之於察也驕恣者之於恭也勢不及君君人

者不任能而好自為之則智日困而自負其責也數窮

於下則不能伸理行墮於國則不能專制智不足以爲  
治威不足以行誅則無以與天下交也喜怒形於心者  
欲見於外則守職者離正而阿上有司枉法而從風風令  
也賞不當功誅不應罪上下離心而君臣相怨也是以  
執政阿主而有過則無以責之有罪而不誅則百官煩  
亂智弗能解也毀譽萌生而明不能照也不正本而反  
自然則人主逾勞人臣逾逸是猶代庖宰剝牲而爲大  
匠斲也與馬競走筋絕而弗能及上車執轡則馬死于

衡下故伯樂相之王良御之明主乘之無御相之勞而

致千里者乘於人資以為羽翼也

資才也

是故君人者無

為而有守也有為而無好也

無所私好

有為則讒生有好則

諛起昔者齊桓公好味而易牙烹其首子而餌之虞君

好寶而晉獻以璧馬釣之

釣取也

胡王好音而秦穆公以

女樂誘之是皆以利見制於人也故善建者不拔

言建之無

形也

夫火熱而水滅之金剛而火銷之木強而斧伐之水

流而土遏之唯造化者物莫能勝也故中欲不出謂之

局外邪不入謂之塞中局外閉何事之不節外閉中局

何事之不成弗用而後能用之弗為而後能為之精神

勞則越

越散也

耳目淫則竭

竭減也

故有道之主減想去意

清虛以待不伐之言不奪之事循名責實使有司任而

弗詔責而弗教以不知為道以奈何為寶

道貴無形無形不可奈何

道之所以為貴也

如此則百官之事各有所守矣

有所守言攝不離局也

權勢之柄其於化民易矣衛君役子路權重也

衛君出公輒也

景桓公臣管晏位尊也怯服勇而愚制智其所託勢者

勝也故枝不得大於榦末不得強於本則輕重小大有以相制也若五指之屬於臂搏援攫捷莫不如志言以小屬於大也是故得勢之利者所持甚小所存甚大所守甚約所制甚廣是故十圍之木持千鈞之屋五寸之鍵制開闔之門宣其材之巨小足哉所居要也孔丘墨翟修先聖之術通六藝之論口道其言身行其志慕義從風而為之服役者不過數十人使居天子之位則天下徧為儒墨矣楚莊王傷文無畏之死於宋也奮袂而



起衣冠相連於道遂成軍宋城之下權柄重也

莊王楚穆王商

臣之子旅也使申舟問聘於齊不假道於宋無畏曰宋必襲殺我王曰殺汝伐宋見犀而行不假道於宋華元曰過我而不假道鄙我也鄙我亡也以兵殺其使者亦亡也遂殺之莊王聞之怒故投袂而起成軍亡宋城故曰權柄重也

楚文王好服獬冠楚國效之

文王楚武王熊通之子熊貲獬廌之

冠如今御史冠也

趙武靈王貝帶鷁鷁而朝趙國化之

趙武靈王出春

秋後以大貝飾帶胡服鷁鷁讀曰私鉞二字三音曰郭洛帶係鉞鎬也

使在匹夫布衣雖

冠獬冠帶貝帶鷁鷁而朝則不免為人笑也夫民之好

善樂正不待禁誅而自中法度者萬無一也下必行之

令從之者利逆之者凶日陰未移而海內莫不被繩矣

繩正也

故握劔鋒以離北宮子司馬蒯蕢不使應敵

北宮子齊

人也孟子所謂北宮黝也司馬蒯蕢其先程伯休甫宣王命以為司馬因為司馬氏蒯蕢其後也周衰適他國

蒯蕢在趙以善擊劔聞應猶擊也

操其觚招其末則庸人能以制勝

觚劔

拊招舉也今使烏獲藉蕃從後牽牛尾尾絕而不從者逆也

烏獲藉蕃皆多力人

若指之桑條以貫其鼻則五尺童子牽而周

四海者順也夫七尺之撓而制船之左右者以水為資

撓刺船棹也資用也

天子發號令行禁止以衆為勢也夫防民之

所害開民之所利威行也若發城

咸決塘

城水城也塘堤也皆所以

畜水故循流而下易以至背風而馳易以遠桓公立政去

食肉之獸食粟之鳥係置之網三舉而百姓說紂殺王

子比干而骨肉怨紂

卓

朝涉者之脛而萬民叛再舉而

天下失矣故義者非能徧利天下之民也利一人而天

下從風暴者非盡害海內之衆也害一人而天下離叛

故桓公三舉而九合諸侯紂再舉而不得為匹夫故舉

錯不可不審人主租歛於民也必先計歲而收量民積

聚知饑饉有餘不足之數然後取車輿衣食供養其欲  
高臺層榭接屋連閣非不麗也然民無掘穴狹廬所以  
託身者明主弗樂也肥醲甘脆非不美也然民有糟糠  
菽粟不接於口者則明主弗甘也匡牀弱席非不寧

也匡安也弱細也然民有處邊城犯危難澤死暴骸者明主弗

安也故古之君人者其慘怛於民也國有飢者食不重  
味民有寒者而冬不被裘歲登民豐乃始縣鐘鼓陳干

戚登成也年君臣上下同心而樂之國無哀人言皆樂也故

古之為金石管絃者所以宣樂也兵革斧鉞者所以飾

怒也觴酌俎豆酬酢之禮所以效善也衰經管屨辟踊

哭泣所以諭哀也

諭明也

此皆有充於內而成像於外

充實

也及至亂主取民則不裁其力

裁度也

求於下則不量其

積男女不得事耕織之業以供上之求力勤財匱君臣

相疾也故民至於焦屑沸肝有今無儲

有今日之食而無明日之儲也

而乃始撞大鐘擊鳴鼓吹竽笙彈琴瑟是猶貫甲冑而

入宗廟被羅紈而從軍旅失樂之所由生矣夫民之為

生也一人蹠耒而耕不過十畝

蹠耒也

中田之獲卒歲之

收不過畝四石妻子老弱仰而食之時有潦旱災害之

患

潦久而水潦也

無以給上之徵賦車馬兵革之費由此觀之

則人之生憫矣夫天地之大計三年耕而餘一年之食

率九年而有三年之畜十八年而有六年之積二十七

年而有九年之儲雖潦旱災害之殃民莫困窮流亡也

故國無九年之畜謂之不足無六年之積謂之憫急

憫憂

也急病也無三年之畜謂之窮乏故有仁君明王其取下有

節自養有度則得承受於天地而不離饑寒之患矣若  
貪主暴君撓於其下侵漁其民以適無窮之欲則百姓  
無以被天和而履地德矣

天和氣也地德所生植也

食者民之本也

民者國之本也國者君之本也是故人君者上因天時  
下盡地財中用人力是以羣生遂長五穀蕃植教民養  
育六畜以時種樹務修田疇滋植桑麻肥境高下各因  
其宜丘陵阪險不生五穀者以樹竹木春伐枯槁夏取

果蓏

有核曰果  
無核曰蓏

秋畜蔬食

菜蔬曰蔬  
穀食曰食

冬伐薪蒸

大者曰薪  
小者曰蒸

曰以為民資

資用也

是故生無乏用死無轉尸

轉棄也

故先

王之法旼不掩羣

掩猶盡也

不取麋天不涸澤而漁

涸澤流池也

不焚林而獵豺未祭獸罝不得布於野獺未祭魚網

罟不得入於水鷹隼

筭

未摯羅網不得張於谿谷草木

未落斤斧不得入山林昆蟲未蟄不得以火燒田孕育

不得殺鷩卵不得探魚不長尺不得取彘不期年不得

食

皆為盡物故也

是故草木之發若蒸氣禽獸歸之若流原飛

鳥歸之若煙雲有所以致之也故先王之政四海之雲



至而修封疆

立春之後  
四海出雲

蝦蟇鳴燕降而達路除道陰降

百泉則修橋梁昏張中則務種穀大火中則種黍菽虛

中則種宿麥昴中則收斂畜積伐薪木上告于天下布

之民先王之所以應時修備富國利民實曠來遠者其

道備矣

實滿也  
曠空也

非能目見而足行之也欲利之也欲利

之也不忘於心則官自備矣心之於九竅四支也不能

一事焉然而動靜聽視皆以為主者不忘於欲利也故

堯為善而衆善至矣桀為非而衆非來矣善積則功成

非積則禍極凡人之論心欲小而志欲大智欲員而行

欲方能欲多而事欲鮮所以心欲小者慮患未生備禍

未發戒過慎微不敢縱其欲也志欲大者兼包萬國一

齊殊俗并覆百姓若合一族是非輻輳而為之轂智欲

員者環復轉運終始無端

若順連環故曰無端

旁流四達淵泉而

不竭萬物並興莫不嚮應也行欲方者直立而不撓素

白而不污窮不易操通不肆志能欲多者文武具備動

靜中儀舉動廢置曲得其宜無所擊戾無不畢宜也事

欲鮮者執柄持術得要以應衆執約以治廣處靜持中

運於璇樞以一合萬若合符者也

符約也

故心小者禁於

微也志大者無不懷也

多所容也

知員者無不知也行方者

有不為也

非正道不為也

能多者無不治也

治猶作也

事鮮者約所

持也

約要也

古者天子聽朝公卿正諫博士誦詩瞽箴師

誦庶人傳語史書其過宰徹其膳猶以為未足也故堯

置敢諫之鼓

欲諫者擊其鼓

舜立誹謗之木

書其善否於表木也

湯有司

直之人

司直官名不曲也

武王立戒慎之詔

欲戒君令慎疑者搖詔鼓

過若

毫釐而既已備之也夫聖人之於善也無小而不舉其

於過也無微而不改堯舜禹湯文武王皆坦然天下而南

面焉當此之時磬

羔

鼓而食

磬鼓王者之食樂也

奏雍而徹

雍已食之

樂也已飯而祭竈行不用巫祝

言其率德蹈正無求於神

鬼神弗敢崇

山川弗敢禍可謂至貴矣然而戰戰慄慄日慎一日由

此觀之則聖人之心小矣詩云惟此文王小心翼翼昭

事上帝聿懷多福其斯之謂歟武王伐紂發鉅橋之粟

散鹿臺之錢

鉅橋紂倉名一說鉅鹿漕運之橋粟鹿臺紂錢藏府所積也武王發散以賑疲民也

封比干之墓

比干紂諸父也諫紂之非紂殺之故武王封崇其墓

表商容之閭

商容

殷之賢人老子師故表顯其里穆稱篇又

云老子業於商容見舌而知守柔矣是也

朝成湯之廟

解箕子之囚

箕子紂之庶兄論語云箕子為之奴武王伐紂赦其囚執問以洪範封之於朝鮮也

使各處其宅田其田無故無新唯賢是親用非其有使

非其人晏然若故有之由此觀之則聖人之志大也文

王周觀得失徧覽是非堯舜所以昌桀紂所以亡者皆

著於明堂

著猶圖也

於是略智博聞以應無方由此觀之則

聖人之智員矣成康繼文武之業守明堂之制觀存亡

之迹見成敗之變非道不言非義不行言不苟出行不  
苟為擇善而後從事焉由此觀之則聖人之行方矣孔  
子之通智過於萇弘勇服於孟賁足躡郊菟力招城關  
能亦多矣

萇弘周大夫敬王臣號知大道孟賁勇士  
孔子皆能招舉也以一手招城門關端能

舉之故曰  
亦能多也

然而勇力不聞伎巧不知專行教道以成素

王事亦鮮矣春秋二百四十二年亡國五十二弑君三  
十六采善鉏醜以成王道論亦博矣然而圍於匡顏色  
不變絃歌不輟臨死亡之地犯患難之危據義行理而

志不懾分亦明矣

犯猶遭也  
攝猶懼也

然為魯司寇聽獄必為斷

作為春秋不道鬼神不敢專已夫聖人之智固已多矣

其所守者約故舉而必榮愚人之智固已少矣其所事

者多故動而必窮矣吳起張儀智不若孔墨而爭萬乘

之君此其所以車裂支解也夫以正教化者易而必成

以邪巧世者難而必敗凡將設行立趣於天下捨其易

成者而從事難而必敗者愚惑之所致也凡此六反者

不可不察也

六反謂孔墨莒弘孟賁吳起  
張儀也其行相反故曰六反

偏知萬物而

不知人道不可謂智偏愛羣生而不愛人類不可謂仁  
仁者愛其類也智者不可惑也仁者雖在斷割之中其  
所不忍之色可見也智者雖煩難之事其不閤之效可  
見也內恕反情心之所欲其不加諸人由近知遠由已  
知人此仁智之所合而行也小有教而大有存也小有  
誅而大有寧也小教之以正故大有存也小責之以義故大有寧也非正則不存非義則不寧  
惟惻隱推而行之此智者之所獨斷也故仁智錯有時  
合合者為正錯者為權其義一也府史守法君子制義



法而無義亦府史也不足以為政耕之為事也勞織之  
為事也擾擾勞之事而民不舍者知其可以衣食也人  
之情不能無衣食衣食之道必始於耕織萬民之所公  
見也物之若耕織者始初甚勞終必利也衆愚人之所  
見者寡事可權者多愚之所權者少此愚者之所多患  
物之可備者智者盡備之可權者盡權之此智者所以  
寡患也故智者先忤而後合忤逆也愚者始於樂而終於  
哀今日何為而榮乎旦日何為而義乎此易言也今日

何為而義旦日何為而榮此知難也問瞽師曰白素何如曰縞然曰黑何若曰黠然援白黑而示之則不處焉人之視白黑以目言白黑以口瞽師有以言白黑無以知白黑故言白黑與人同其別白黑與人異入孝於親出忠於君無愚智賢不肖皆知其為義也使陳忠孝行而不知所出者鮮矣凡人思慮莫不先以為可而行後之其是或非此愚智之所以異凡人之性莫貴於仁莫急於智仁以為質智以行之兩者為本而加之以勇力辯

慧捷疾飭錄巧敏遲利聰明審察盡衆益也身材未修

伎藝曲備而無仁智以為表幹而加之以衆美則益其

損故不仁而有勇力果敢則狂而操利劍

狂猶亂也

不知而

辯慧懷給則棄驥而不式

不智之人辯慧懷給不知所裁之猶棄而或不知所詣也

懷佞也

雖有材能其施之不當其處之不宜適足以補偽

飾非伎藝之衆不如其寡也故有野心者不可借便勢

野外也

有愚質者不可與利器魚得水而游焉則樂塘決

水涸則為螻蟻所食有掌修其隄防補其缺漏則魚得

而利之

掌主也

國有以存人有以生國之所以存者仁義

是也人之所以生者行善是也國無義雖大必亡人無

善志雖勇必傷治國上使不得與焉

使不得與亡傷之危是上術也

孝

於父母弟於兄嫂信於朋友不得上令而可得為也釋

已之所得為而責于其所不得制悖矣士處卑隱欲上

達必先反諸已上達有道名譽不起而不能上達矣取

譽有道不信於友不能得譽信於友有道事親不說不

信於友說親有道修身不誠不能事親矣誠身有道心

不專一不能專誠道在易而求之難

易謂反己先修其本也不修其本而

欲得說親誠身之名皆難也故曰道在易而求之難

驗在近而求之遠故弗得也

驗効也近謂本遠謂末也



淮南鴻烈解卷九

總校官庶吉士臣侍朝

校對官庶吉士臣嚴福

謄錄監生臣陸學稼

欽定四庫全書薈要

子部

淮南鴻烈解卷十一

詳校官主事臣陳本





欽定四庫全書蒼要卷一萬一千一百二十五

子部

淮南鴻烈解卷十

漢 高誘 注

繆稱訓

繆異之論稱物假類同之神明以知所貴故曰繆稱

道高無上至深無下平乎準直乎繩員乎規方乎矩  
包裹宇宙而無表裏洞同覆載而無所礙

礙挂也

是故體

道者不哀不樂不喜不怒其坐無慮其寢無寤物來而  
名事來而應主者國之心心治則百節皆安心擾則百  
節皆亂故其心治者支體相遺也其國治者君臣相忘

也黃帝曰芒芒昧昧從天之道與元同氣故至德者言  
同畧事同指上下一心無歧道旁見者遏障之於邪開  
道之於善而民鄉方矣故易曰同人于野利涉大川

言能

同人道至于野則可以濟大川大川大難也

道者物之所導也德者性之所

扶也仁者積恩之見證也義者比於人心而合於衆適  
者也故道滅而德用德衰而仁義生故尚世體道而不  
德中世守德而弗壞也末世繩繩乎唯恐失仁義君子  
非仁義無以生失仁義則失其所以生小人非嗜慾無

以活失嗜欲則失其所以活故君子懼失仁義小人懼

失利觀其所懼知各殊矣易曰即鹿無虞惟入于林中

君子幾不如舍往吝

即就也鹿以諭民虞欺也幾終也就民欺之即入林中幾終不如舍

之使之不終如其吝也

其施厚者其報美其怨大者其禍深薄施

而厚望畜怨而無患者古今未之有也是故聖人察其

所以往則知其所以來者聖人之道猶中衢而致尊邪

道六達謂之衢尊酒器也

過者斟酌多少不同各得其所宜是故得

一人所以得百人也

一人來得其心百人來亦得其心

人以其所願於

上以與其下交誰弗戴以其所欲於下以事其上誰弗

喜詩云媚茲一人應侯慎德慎德大矣一人小矣能善

小斯能善大矣君子見過忘罰故能諫見賢忘賤故能

讓見不足忘貧故能施情繫於中行形於外凡行戴情

雖過無怨不戴其情雖忠來惡

戴心所感也情誠也

后稷廣利天

下猶不自矜禹無廢功無廢財自視猶缺如也

缺不滿也

滿

如陷

陷少也

實如虛盡之者也凡人各賢其所說而說其所

快世莫不舉賢或以治或以亂非自遁

遁求也

求同乎已者

也已未必得賢而求與已同者而欲得賢亦不幾矣使

堯度舜則可使桀度堯是猶以升量石也今謂狐狸則

必不知狐又不知狸

此俱不知二獸

非未嘗見狐者必未嘗見

狸也狐狸非異同類也而謂狐狸則不知狐狸是故謂

不肖者賢則必不知賢謂賢者不肖則必不知不肖者

矣聖人在上則民樂其治在下則民慕其意小人在上

位如寢關曝纊

寢謂卧關上之不安纊重也曝重蛹動搖不休死乃止也

不得須臾

寧故易曰乘馬班如泣血漣如

諭乘馬班如難也故有泣血之憂

言小

人處非其位不可長也物莫無所不用天雄烏喙藥之

凶毒也良醫以活人侏儒瞽師人之困憊者也

憊可與也一日

慙人主以備樂是故聖人制其剗拙材無所不用矣剗

殺勇士一呼三軍皆辟其出之也誠故倡而不和意而

不戴

意恚聲也戴差

中心必有不合者也故舜不降席而王天

下者求諸已也故上多故則民多詐矣身曲而景直者

未之聞也說之所不至者容貌至焉

說之粗不如容貌精微入人深也

容貌之所不至者感忽至焉感乎心明乎智發而成形

精之至也可以形勢接而不可以昭認戎翟之馬皆可以馳驅或近或遠唯造父能盡其力三苗之民皆可使忠信或賢或不肖唯唐虞能齊其美必有不傳者

心教之微

恥不可傳也

中行繆伯手搏虎

中行繆伯晉臣也力能搏生虎

而不能生也

力能殺虎而德不能服之

蓋力優而克不能及也

克猶能也

用百人之所

能則得百人之力舉千人之所愛則得千人之心辟若伐樹而引其本千枝萬葉則莫得弗從也慈父之愛子非為報也不可內解於心聖王之養民非求用也性不

能已若火之自熱冰之自寒夫有何脩焉及恃其力賴

其功者若失火舟中

言舟中之人同心救火不相為易也

故君子見始斯

知終矣媒妁譽人而莫之德也取庸而強飯之莫之愛

也雖親父慈母不加於此有以為則恩不接矣故送往

者非所以迎來也施死者非專為生也誠出於已則所

動者遠矣錦繡登廟貴文也

登猶入也

圭璋在前尚質也文

不勝質之謂君子故終年為車無三寸之鐸不可以驅

馳匠人斲戶無一尺之榱不可以閉藏故君子行斯乎



其所結

結要終也

心之精者可以神化而不可以導人

導教也

目之精者可以消澤而不可以昭謬

昭道謬誠也不可以教道戒人

在混

冥之中不可諭於人

混冥人心中也

故舜不降席而天下治桀

不下陛而天下亂蓋情甚乎叫呼也

言雖叫呼大語不如心行真直也

無諸已求諸人古今未之聞也同言而民信信在言前

也同令而民化誠在令外也聖人在上民遷而化情以

先之也動於上不應於下者情與令殊也故易曰亢龍

有悔

人君動極在上故有悔也

三月嬰兒未知利害也而慈母之愛

諭焉者情也故言之用者昭昭乎小哉不言之用者曠

曠乎大哉身君子之言信也

身君子之言體行君子之言也

中君子之

意忠也忠信形於內感動應於外故禹執干戚舞於兩

階之間而三苗服

三苗畔禹禹風以禮樂而服之

鷹翔川魚鼈沈

禹以德服

三苗猶鷹翔川上魚鼈恐皆潛

飛鳥揚

鳥見鷹而揚去

必遠害也

鷹懷欲害之心故鳥魚知

其情實而遠之

子之死父也臣之死君也世有行之者矣非出

死以要名也恩心之藏於中而不能違其難也故人之

甘甘非正為蹠也

人之甘甘猶樂樂而為之臣之死君子之死父非以求蹠蹠也

而蹠

焉往

言雖乃往至也

君子之慘怛非正為偽形也諭乎人心非

從外入自中出者也義尊乎君仁親乎父故君之於臣

也能死生之不能使為苟簡易

君不能使臣為苟簡易行之義

父之於

子也能發起之不能使無憂尋

憂尋憂長也仁念也仁念父母不樂子之如此

然不能止

故義勝君仁勝父則君尊而臣忠父慈而子孝聖

人在上化育如神太上曰我其性與

太上皇德之君我性自然也

其

次曰微彼其如此乎

其次五帝時也其民如此故我治之如彼

故詩曰執轡

如組易曰含章可貞動於近成文於遠夫察所夜行周

公慙乎景故君子慎其獨也釋近斯遠塞矣聞善易以

正身難夫子見禾之三變也

夫子孔子也三變始於粟衆生於苗苗成於穗也

滔滔然曰狐鄉丘而死我其首禾乎

禾穗垂而向根君子不忘本也

故

君子見善則痛其身焉

痛己身善惡自在也

身苟正懷遠易矣

懷來

也故詩曰弗躬弗親庶民弗信小人之從事也曰苟得

君子曰苟義所求者同所期者異乎擊舟水中魚沈而

鳥揚同聞而殊事其情一也僖負羈以壺餐表其閭

僖負

羈曹臣晉重耳出過曹負羈遺以壺餐重耳反晉伐曹令兵不入其閭

趙宣孟以束脯免

其軀

趙宣孟晉卿以束脯活靈輒後免其難也

禮不隆

隆多也

而德有餘仁心

之感恩接而憫慘

怛生故其入人深俱之叫呼也在家

老則為恩厚其在債人則生爭鬪故曰兵莫憊於意志

莫邪為下寇莫大於陰陽枹鼓為小聖人為善非以求

名而名從之名不與利期而利歸之故人之憂喜非為

躡鹿躡馬往生也

言非為冀幸往生利意也

故至人不容

至道之人不飾容也

故若昧而撫

昧芥入目也撫捫之從中發非為觀容之也

若跌而據

跌仆也

聖

人之為治漠然不見賢焉終而後知其可大也若日之

行

日行人不見也

騏驥不能與之爭遠今夫夜有求與瞽師併

東方開斯照矣

言人見照用瞽者猶闇而無為人而以治事用思也

動而有益則

損隨之

益所以為損也

故易曰剝之不可遂盡也故受之以復

言物剝落而復生也

積薄為厚積卑為高故君子日孳孳以成輝

小人日怏怏以至辱其消息也離朱弗能見也文王聞

善如不及宿不善如不祥非為日不足也其憂尋推之

也

憂尋憂深也

故詩曰周雖舊邦其命維新懷情抱質天弗

能殺地弗能埋

埋

也聲揚天地之間配日月之光甘樂

之者也苟鄉善雖過無怨苟不鄉善雖忠來患故怨人不如自怨求諸人不若求諸己得也聲自名也貌自示也名自命也文自官也無非己者操銳以刺操刃以擊何怨乎人故莞子文錦也雖醜登廟

莞仲相齊

明法度審國刑不能及聖猶文錦雖惡宜以升廟也

子產練染也美而不尊

子產相鄭

先恩而後法猶練染為衣溫厚而非宗廟服也

虛而能滿淡而有味被褐懷玉

者故兩心不可以得一人一心可以得百人男子樹蘭

美而不芳

蘭芳草艾之美芳也男子樹之蓋不芳

繼子得食肥而不澤

繼子

有假母也情不相與往來也生所假也死所歸也故弘演直

仁而立死

弘演衛懿公臣狄人攻衛食懿公其肝在弘演剖腹以盛之也

王子閭張掖

而受刃

楚白公欲立王子閭為王不可刺之以兵子閭不受

不以所託害所歸也

故世治則以義衛身世亂則以身衛義死之日行之終

也故君子慎一用之無勇者非先懾也難至而失其守

也貪婪者非先欲也見利而忘其害也虞公見垂棘之

璧而不知號禍之及已也故至道之人不可遏奪也

至言

道之人其心先定不可臨以利奪其志也人之欲榮也以為已也於彼何益



聖人之行義也其憂尋出乎中也於己何以利故帝王者多矣而三王獨稱貧賤者多矣而伯夷獨舉以貴為聖乎則聖者衆矣以賤為仁乎則賤者多矣何聖仁之寡也獨專之意樂哉忽乎日滔滔以自新忘老之及已也始乎叔季歸乎伯孟必此積也言自少而至長不身遁斯亦不遁人遁隱也已不自隱身之行亦不隱之於人故也故若行獨梁不為無人

不兢其容

獨梁一木之水橋也行其上常兢兢恐陷也

故使人信已者易而

蒙衣自信者難

及身不情

先動動無不得無不得則無

著君發著而後快

情先動者言人君以精動導民也動盡得人心矣無著結發動也雖著結

快民

故唐虞之舉錯也非以偕情也快已而天下治桀

紂非正賊之也快已而百事廢喜憎議而治亂分矣

下有

喜議而國治有憎議而國亂也

聖人之行無所合無所離譬若鼓無所

與調無所不比絲筦金石小大脩短有敘異聲而和君

臣上下官職有差殊事而調夫織者日以進

織帛者進耕者

日以却

却謂耕者却行

事相反成功一也申喜聞乞人之歌而

悲出而視之其母也

申喜亡其母母乞食於道

艾陵之戰也夫差曰

夷聲陽句吳其庶乎

父陵之戰吳王夫差與齊戰於父陵夷謂吳陽告也句吳夷語不正

言吳加以句也庶幾也

同是聲而取信焉異有諸情也故心哀而

歌不樂心樂而哭不哀夫子曰絃則是也其聲非也

子閔

竊三年之喪畢援琴而彈其絃是也其聲切切而哀

文者所以接物也情繫於中

而欲發外者也以文滅情則失情以情滅文則失文文

情理通則鳳麟極矣言至德之懷遠也輸子陽謂其子

曰良工漸乎矩鑿之中

漸習也

矩鑿之中固無物而不周

聖王以治民造父以治馬醫駱以治病

醫駱起醫

同材而各

自取焉

自從也。矩鑿之中各取法度。或以治民。或以治馬。或以治病。同材而各往從。取治法之也。上

意而民載誠中者也

上有意而未言。則民皆載而行之。志或發中之於大。

未言而

信弗召而至。或先之也。悵鶴於不已。知者不自知也。

悵。急。

也。矜怛生於不足。

怛。驕也。不足。知不足也。

華誣生於矜。矜。貪。誠中

之人樂而不悵。如鵲。

鵲。好聲。

忠信之人。自樂為之。非悵也。如鵲。自好為聲耳。

熊之好經。

經。動。導引。

夫有誰為矜。

各任自性。非徒矜也。

春女思秋士悲。

春女感陽。則思秋士見陰。而悲。

而知物化矣。號而哭。幾。

機。

而哀。而知聲

動矣。容貌顏色。理詘。俛。倨。徇。爰。知情偽矣。故聖人栗

栗乎其內而至乎至極矣功名遂成天也循理受順人

也太公望周公旦天非為武王造之也崇侯惡來天非

為紂生之也

崇侯紂時諸侯惡來紂之臣

有其世有其人也教本乎

君子小人被其澤利本乎小人君子享其功昔東戶季

子之世

東戶季子古之人君

道路不拾遺耒耜餘糧宿諸晦首使

君子小人各得其宜也故一人有慶兆民賴之凡高者

貴其左

天道左旋

故下之於上曰左之臣辭也

臣道左君

下者貴

其右故上之於下曰右之君讓也

君讓臣助

故上左遷則

失其所尊也

左臣辭也君以再還故失其尊

臣右還則失其所貴矣

右君

辭也而臣以再還故失其貴

小快害道斯須害儀

斯須近也

子產騰辭

騰傳

也子產獄繫而無邪

獄雖益多而下無邪也

失諸情者則塞於辭

矣

失事之情則為世人所窮塞也

成國之道工無偽事農無遺力士

無隱行官無失法譬若設網者引其綱而萬目開矣舜

禹不再受命

受命於天

堯舜傳大禹先形乎小也

形見也先

見微小刑於寡妻至于兄弟禪於家國而天下從風

禪傳

也言堯舜禹相傳天下服之也

故戎兵以大知小

若湯武以義伐小人不義從大伐小人以

小知大

人謂天下從風者也堯舜之民以小知堯大也

君子之道近而不可以

至卑而不可以登無載焉而不勝

萬物載之皆勝其任

大而章遠

而隆知此之道不可求於人斯得諸已也釋已而求諸

人去之遠矣君子者樂有餘而名不足小人樂不足而

名有餘觀於有餘不足之相去昭然遠矣含而弗吐在

情而不萌者未之聞也

言懷其情而必萌見也

君子思義而不慮

利小人貪利而不顧義子曰鈞之哭也

子孔

曰子予奈

何兮乘我何其哀則同其所以哀則異故哀樂之襲人

情也深矣鑿地漂池

人或有鑿穿或有填也言用心異也

非止以勞苦民

也各從其蹠而亂生焉

蹠願也

其載情一也施人則異矣

施於人有善惡

故唐虞日孳孳以致於王桀紂日快快以致於

死不知後世之譏已也凡人情脫其所苦即樂失其所

樂則哀故知生之樂必知死之哀有義者不可欺以利

有勇者不可劫以懼如饑渴者不可欺以虛器也人多

欲虧義

欲則貪貪損義

多憂害智

多憂閉塞故害智也

多懼害勇嫚生乎

小人

嫚倨也

蠻夷皆能之

嫚蠻夷之行也

善生乎君子誘然與日



月爭光

誘美稱也

天下弗能遏奪故治國樂其所以存亡國

亦樂其所以亡也金錫不消釋則不流刑

刑法

上憂尋不

誠則不法民憂尋不在民則是絕民之繫也

繫所以拘維民

君

反本而民繫固也至德小節備大節舉齊桓舉而不密

齊桓有大節小節疏也

晉文密而不舉

晉文有小節大節廢也

晉文得之乎

閨內失之乎境外

閨內修而境外亂也

齊桓失之乎閨內而得之

本朝

閨內亂而朝廷治也

水下流而廣大君下臣而聰明君不與

臣爭功而治道通矣管夷吾百里奚經而成之齊桓秦

穆受而聽之

聽用二臣之謀

照惑者以東為西惑也

照曉見日

見日

而寤矣衛武侯謂其臣曰小子無謂我老

武侯蓋年九十五矣

而

羸我

羸劣也

有過必謁之是武侯如弗羸之必得羸故老

而弗舍通乎存亡之論者也人無能作也有能為也有

能為也而無能成也人之為天成之終身為善非天不

行終身為不善非天不亡故善否我也禍福非我也

非我

也天所為也

故君子順其在已者而已矣性者所受於天也

命者所遭於時也有其材不遇其世天也太公何力比

干何罪循性而行止或害或利求之有道得之在命故  
君子能為善而不能必其得福不忍為非而未能必免  
其禍君根本也臣枝葉也根本不美枝葉茂者未之聞  
也有道之世以人與國

若堯以天下與舜也

無道之世以國與人

堯王天下而憂不解授舜而憂釋憂而守之而樂與賢  
終不私其利矣凡萬物有所施之無小不可為無所用  
之

不知其  
所用也

碧瑜冀土也

瑜玉也  
不知用  
之則為  
冀土也

人之情於害之

中爭取小焉於利之中爭取大焉故同味而嗜厚膊搏

者

厚博厚切肉也

必其甘之者也同師而超羣者必其樂之者

也弗甘弗樂而能為表者未之聞也

表立見也

君子時則進

得之以義何幸之有不時則退讓之以義何不幸之有

故伯夷餓死首山之下猶不自悔棄其所賤得其所貴

也福之萌也縣縣禍之生也分分禍福之始萌微故民

嫚之唯聖人見其始而知其終故傳曰魯酒薄而邯鄲

圍

魯與趙俱朝楚獻酒於楚魯酒薄而趙酒厚楚之主酒吏求酒於趙不與楚吏怒以趙所獻酒獻於楚王

易魯薄酒楚王以爲趙酒薄而圍邯鄲

羊羹不斟而宋國危

宋將華元與鄭戰殺羊食

士不及其御羊斟及戰  
御馳入鄭軍華元以獲

明主之賞罰非以為已也以為

國也通於已而無功於國者不施賞焉逆於已便於國  
者不加罰焉故楚莊謂共雍曰有德者受吾爵祿有功  
者受吾田宅是二者女無一焉吾無以與女可謂不踰  
於理乎其謝之也猶未之莫與周政至殷政善夏政行  
共雍楚臣謝謂遣共雍也莫危之也至至  
於道也善施教未至於道也行尚粗也  
必至也至至之人不慕乎行不慙乎善含德履道而上  
下相樂也不知其所由然有國者多矣而齊桓晉文獨

名泰山之上有七十壇焉

封乎泰山蓋七十二君也

而三王獨道君

不求諸臣臣不假諸君修近彌遠而後世稱其大不越

隣而成章而莫能至焉故孝已之禮可為也而莫能奪

之名也必不得其所懷也

孝已殷王高宗之子也蓋於遜而不失禮不能與孝已爭

名者不得孝已之所懷也

義載乎宜之謂君子宜遺乎義之謂小人

通智得而不勞

通智達道之人

其次勞而不病其下病而不勞

古人味而弗貪也

古人知其味而不貪其食

今人貪而弗味歌之修

其音也

此言樂所以移風易俗歌長其音

音之不足於其美者也

此音不足

以致美  
化也

金石絲竹助而奏之猶未足以至於極也

極治之

至人能尊道行義喜怒取予欲如草之從風召公以桑

蠶耕種之時弛獄出拘

召公周太保也

使百姓皆得反業修職

文王辭千里之地而請去炮烙之刑

紂拘文王文王獻寶於紂紂賞以千

里之地文王不受願去炮烙之刑

故聖人之舉事也進退不失時若夏

就絺綌上車授綏之謂也老子學商容見舌而知守柔

矣

商容神人也商容吐舌示老子老子知舌柔齒剛

列子學壺子觀景柱而知

持後矣

先有形而後有影形可亡而影不可傷

故聖人不為物先而常制

之其類若積薪樵後者在上人以義愛以黨羣以羣強

是故德之所施者博則威之所行者遠義之所加者淺

則武之制者小矣鐸以聲自毀鐸大鈴出於吳膏燭以明自鑠

虎豹之文來射獐狢之捷來措措刺也故子路以勇死死衛

侯輒之難長弘以智困欲以術輔周人殺之能以智知而未能以智

不知也故行險者不得履繩出林者不得直道夜行瞑

目而前其手事有所至而明有不害人能貫冥冥入於

昭昭可與言至矣鵲巢知風之所起歲多風則鵲作巢鵲穴知



水之高下

水之所及則  
獺避而為穴

暉目知晏

暉目鵲鳥也晏無雲  
也天將晏靜暉目先

鳴

陰諧知雨

陰諧暉目雌也  
天將陰雨則鳴

為是謂人智不如鳥獸則

不然故通於一伎察於一辭可與曲說未可與廣應也

甯戚擊牛角而歌桓公舉以大政雍門子以哭見孟嘗

君涕流沾纓歌哭衆人之所能為也一發聲入人耳感

人心情之至者也故唐虞之法可效也其諭人心不可

及也簡公以懦殺

簡公齊君也以柔  
懦田成子殺之

子陽以猛劫

子陽  
鄭相

也尚刑  
而劫死皆不得其道者也故歌而不比於律者其清濁

一也

雖清濁失和故不中律全

繩之外與繩之內皆失直者也紂為

象箸而箕子嘆

嘆號也知象箸必有玉杯為杯必極滋味

魯以偶人葬而孔

子嘆

偶人桐人也嘆其象人而用之

見所始則知所終故水出於山入

於海稼生乎野而藏乎倉聖人見其所生則知其所歸

矣水濁者魚噉今苛者民亂城峭者必崩岸峭者必

者必

陀

峭也陀落也陀音陀

故商鞅立法而支解

商鞅為秦孝公立治法百姓怨之以

罪支

吳起刻削而車裂

吳起相楚設貴臣相坐之法卒車裂之

治國辟若

張瑟大絃組

組急也組音紵

則小絃絕矣故急轡數策者非千

里之御也有聲之聲不過百里無聲之聲施於四海是故祿過其功者損名過其實者蔽情行合而名副之禍福不虛至矣身有醜夢不勝正行國有妖祥不勝善政是故前有軒冕之賞不可以無功取也後有斧鉞之禁不可以無罪蒙也素修正者弗離道也君子不謂小善不足為也而舍之小善積而為大善不謂小不善為無傷也而為之小不善積而為大不善是故積羽沈舟羣輕折軸故君子禁於微壹快不足以成善積快而為德

壹恨不足以成非積恨而成怨故三代之善千歲之積

譽也桀紂之謗千歲之積毀也天有四時人有四用何

謂四用視而形之莫明於目聽而精之莫聰於耳重而

閉之莫固於口舍而藏之莫深於心目見其形耳聽其

聲口言其誠而心致之精則萬物之化咸有極矣地以

德廣

人君以德廣  
益其土地

君以德尊上也地以義廣君以義尊

次也地以強廣君以強尊下也故粹者王駁者霸無一

焉者亡昔二皇鳳凰至於庭三代至乎門周室至乎澤

德彌麤所至彌遠德彌精所至彌近君子誠仁施亦仁

不施亦仁

道無外而民蒙純此所謂不施而仁

小人誠不仁施亦不仁

施亦不仁善之由我與其由人若仁德之盛者也故情

勝欲者昌欲勝情者亡欲知天道察其數

數謂律歷之數也

欲

知地道物其樹

五土之宜各有所種生之禾

欲知人道從其欲

君子欲於

道小人欲於利

勿驚勿駭萬物將自理勿撓勿撓萬物將自清

言治天下各順其情

察一曲者不可與言化

一曲一事也

審一時者不

可與言大

猶蟬不知寒也

日不知夜月不知晝日月為明而弗

能兼也唯天地能函之能包天地曰唯無形者也驕溢

之君無忠臣口慧之人無必信交拱之木無把之枝

拱抱

也把握也

尋常之溝無吞舟之魚根淺則末短本傷則枝枯

福生於無為患生於多慾害生於弗備穢生於弗穉聖  
人為善若恐不及備禍若恐不免蒙塵而欲毋昧涉水  
而欲毋濡不可得也是故知己者不怨人知命者不怨  
天福由已發禍由已生聖人不求譽不辟誹正身直行  
衆邪自息今釋正而追曲倍是而從衆是與俗儷走而

內行無繩

繩所以彈曲者也

故聖人反已而弗由也道之有篇

章形埒者

形埒北

非至者也嘗之而無味視之而無形

不可傳於人大戟去水亭歷愈脹用之不節乃反為病

物多類之而非唯聖人知其微善御者不忘其馬善射

者不忘其弩善為人上者不忘其下誠能愛而利之天

下可從也弗愛弗利親子叛父天下有至貴而非勢位

也有至富而非金玉也有至壽而非千歲也原心反性

則貴矣適情知足則富矣明死生之分則壽矣言無常

是行無常宜者小人也察於一事通於一伎者中人也  
兼覆蓋而并有之度伎能而裁使之者聖人也

裁制也  
度其伎

能而裁  
制使之

淮南鴻烈解卷十